

E TESTIMONIO DI RUBEN ODOR, DEN FORMA DI POESIA

ORANJESTAD (AAN) - DIARIO a laga algun dia pasa, despues cu Ruben Odor a presenta publicamente su buki relaciona cu su experencia como pacient di AIDS, cual a tuma lugar den un ceremonia organiza pa Women's Club di Aruba, recientemente, pa sinta papia cune cu un tiki mas di tempo, despues cu algun luna pasa redaccion a entrevista di manera amplio y a duna como primicia, informacion tocante su buki.

Ruben Odor, despues cu señor Marcelino de Windt a consehe pa plama riba papel tur su sentimentonan ora e tabata interna na Hospital, den su momentonan di mas dificil, a dicidi cu e lo bay haci esey cu e finalidad di vida otro nersonanan den su

identifica den dje cu un seudonimo. Pero e presentacion den publico no a keda den anonimato pasobra e ta considera cu asina e por haci un mihor papel pa yuda otro.

Ta asina aki cu un siman despues cu Ruben a worde entrevista pa DIARIO, el a dicidi di ta presente den e presentacion di e buki.

Ruben ta sinti su mes hopi mas respeta y trankil y ora e ta cana riba caya cantidad di hende ta acerque puntre con ta cu su salud y e conversacion ta bay mas tanto riba e malesa.

"Mi a siña hopi. Mi ta kere cu ta berdad cu animo positivo ta vence tur cos. Si bo tin animo por por logra hopi y esaki ta e parti cu a ponemi sali afo di anonimato", el a bisa.

PASADO: Ruben Odorkier a haci enfasis cu su buki ta refleha sentimentonan di pasado. Den su momentonan dificil cu e tabata pensa negativo. Ta pesey hopi di su poesianan ta yen cu tristeza y descepcion. Actualmente e ta sigui skirbi pero den terminonan hopi posi-

tivo mes, y su poemanan nobo ta muestra un otro faceta di su bida. Spiritualidad, y confianza!.

TUR NA PRETO

Tur na preto m'a mira mi
yen di krans rond di mi,
riba mi lpnan un sonrisa
cu ta tana e tristesa.

di no por a dispidi.

Tur na preto m'a mira mi,
yen di krans rond di mi,
cu mi wowonan sera,
cu ya no por demostra,
e dolor cu tin den mi.
Tur na preto m'a mira mi,
yen di krans rond di mi...!
Ruben Odor